

Informasjon

ÅRSMØTET OG INFORMASJON FRÅ STYRET 2018-2019.I

SAKSLISTE ÅRSMØTET 9. MARS 2018 KL.
1800 – HARDANGERTUN, KINSARVIK

Konstituering
årsmøte:

-val av møteleiar,
referent og godkjenning innkalling.

-årsmelding
2017

-rekneskap
2017 og budsjett 2018

Saker til
handsaming/vedtak: (sak 7, 8, 9 og 11 er orienteringssaker, men kan
diskuterast/kommenterast).

SAK 1. Ny brygge – Johnny Mæland orienterer om kontakt med Jamax, Os, og leveringsbetingelsar, praktiske spørsmål mv. Johnny Mæland er oppnevnt som prosjektleiar – og planlegg litt korleis dette skal gjennomførast – dersom årsmøtet gjer vedtak om kjøp. Gamal brygge er avtala seld til Lofthus Båtlag for kr. 10.000,- Bjarthe har kontakt med dei. Styret meiner at tiltaket kan finansierast av laget sine egne midlar utan låneopptak.

Sak 2. Straum i havna – styret gjer framlegg om kr. 0,50 i påslag straumpris + fasavgift på kr. 150/år. Vikår som elles vedteke tidlegare – rekneskapsførar har laga tekst/formulering til ordning/avtale – sjå tekst under:

Bruk av straum i hamna skal vera formalisert mellom Båtlaget og brukar i form av skriftleg avtale. Frå og med 1. september til og med 30. april skal all straum som vert brukt av medlemmer eller gjester målast med straummålar og betalast for. Forbruket vert målt ved avlesing per 1/9, 31/12 og 30/4. Brukar vil vera ansvarleg for bruken, og kan sjølv sikra uttaket. Straumuttak som ikkje er i bruk eller er leigde bort, vert avlåste eller kopla frå.

For bruk av straum i dette tidsrommet skal betalast det same per kwh som Båtlaget betalar for straumen, pluss eit påslag på 50 øre per kwh. Dette til dekning for kostnader og arbeid Båtlaget har med å administrera ordninga. Faktura vert sendt ut i mai for 1. halvår og etter årsskiftet for 2. halvår, og skal først i rekneskapen for det året straumen er brukt.

I tillegg vert det kravd ei årleg «fastavgift» på kr 150 per år som vert teke med på fakturaen for 2. halvår. Fastavgifta vert ikkje refundert ved kortare/avbroten leigetid.

Frå og med 1. mai til og med 31. august er bruk av straum gratis. Båtlaget oppmodar alle medlemmer om å la feriegjester nytta uttaka, dersom ein ikkje nyttar det sjølv.

Sak 3. Leigeprisar gjester båthamna – styret gjer framleg om moderat auke prisar gjester båthamna. Båtar opp til 30 ft. 150 kr/døgn, 30-40 > ft. 200 kr/døgn. Ordninga med prisreduksjon ekstra døgn fell vekk. 0-plassar 300 kr/mnd. Nokon plassar C-bryggja 500 kr/mnd, og leige vanlege plassar 790 kr/mnd.

Sak 4. Auka bryggeleige medlemmer med fast båtplass. Styret gjer framlegg om auke kr. 100 /m – eks. vil dette medføra at eit medlem med 3 m brei båtplass får kr. 300,- meir i bryggeleige. Dette vert gjort for å byggja opp fond til framtidig vedlikehald. Ellers vil Arild orientera litt om kva me bør ta omsyn til frametter, og medlemene bør og gjera seg opp ei meining om korleis laget skal driftast, eks. utbygging av gjestehamn med tanke på fleire gjester, eller skal båtlaget primært vera for medlemmer og eigne båtar..??

Sak 5. Tryggleik og stell/vedlikehald av båtar som ligg i båthamna. Nestformannen har kome med forslag om at alle båtar skal opp på land for sjekk bunnsmurning, annoder, festeanordningar brygge etc. Dette for at tryggleiken skal vera best mogeleg for båtlaget, medlemene, og førebyggja uynskte hendelsar med sakde brygge/båtar. Orientering ved nestformannen.

Sak 6. MVA og innmelding KNBF med tanke på moms refusjon. Dersom årsmøtet gjer vedtak om innmelding – må vedtektene gjennomgåast og mogeleg endrast noko. KNBF kan truleg vera til hjelp omkring dette – og elles i

praktiske/økonomiske spørsmål laget måtte ha.

Notat 17.08.2017, revidert 17.02.2018
(tala på side 2)

Til styret i Kinsarvik båtlag (notat
frå rekneskapsførar).

På styremøtet den 14. august i år kom eg inn på ordninga med kompensasjon for meirverdiavgift (mva) til frivillige organisasjonar, og i samband med dette interesseorganisasjonen Kongelig Norsk Båtforbund (KNBF). Kjelder for det eg gjorde greie for er i hovudsak heimesida til Lotteri- og stiftelsestilsynet som administrer ordninga med kompensasjon for mva, og heimesida til KNBF. I dette notatet er eit samandrag av det eg sa på møtet:

Kompensasjon for mva

For 2015 (utbetalt i 2016) fekk over 23 000 lag og foreiningar utbetalt 1,29 milliardar kroner frå Staten som delvis kompensasjon for utgifter dei hadde til mva. Av desse var 236 båtforeiningar, 219 gjennom KNBF og 17 sjølvstendige. Av dei som var tilslutta KNBF var utbetalt frå kr 638 til den minste og kr 445 362 til den største, gjennomsnittleg knapt kr 35 000. Ordninga har ikkje gitt full kompensasjon, sist utbetaling kompenserte 76,3% av godkjende utgifter til mva.

Det er to «modellar» ein kan søkja etter:

- 1) Dokumentert modell, dvs. at ein må dokumentera utgifter til mva.
- 2) Forenkla modell, der ein berre dokumenterer dei totale driftsutgiftene. Av dette reknar systemet med at 7% er utgifter til mva.
- 3) Dersom eit lag har hatt godkjende driftsutgifter på kr 250 000, ville laget for 2015 fått utbetalt $kr\ 250\ 000 \times 0,07 \times 0,763 = kr\ 13\ 352$.

Eit lag som har ein stor del av utgiftene

i form av utgifter det er mva på, vil altså tena på den dokumenterte modellen. Og omvendt.

Dersom eit lag er medlem av ein større organisasjon, for Båttforeiningar KNBF, må ein søkja gjennom organisasjonen og nytta forenkla modell.

Minstegrense kr 200 000 i godkjende totalkostnader (forenkla modell) eller kr 14 000 i utgifter til mva (dokumentert modell). Minstegrensa gjeld ikkje for søknad gjennom «sentralledd». Kinsarvik båtlag vil truleg falla under minstegrensa dei fleste år, slik at sjølvstendig søknad er uaktuell. Det skal gjerast ein del frådrag i grunnlaget, som kan vera aktuelle for eit båtlag. Som t.d. straum som vert betalt av medlemene, og kanskje fleire andre ting. Kan vera komplisert og må sjekkast nærare. Utgifter til investeringar skal haldast utanfor.

Det er eit vilkår at laget kan definerast som ein «aktiv og frivillig organisasjon» og innfrir vilkåra for registrering i Frivilligregisteret i Brønnøysund, og vera innmeld der. Dersom Kinsarvik båtlag skal meldast inn i registeret, må vedtektene tilpassast. Dagens §9 om oppløysing av laget må i alle fall endrast. Ein annan fordel med å vera med i Frivilligregisteret er at ein då kan motta Grasrotmidlar frå Norsk Tipping.

Medlemskap i KNBF

Kinsarvik båtlag bør vurderer medlemskap i KNBF. I praksis trur eg dette er nødvendig for å kunna delta i ordninga med mva-kompensasjon. Viss ikkje vert ein lett råka av minstegrensa, og det vil i alle fall forenkla søknadsprosessen vesentleg. Vidare vil ein der kunna få råd og hjelp i samband med ein søknad om mva-kompensasjon, særleg om kva for utgifter som skal takast med og ikkje.

Det er også andre fordeler med eit medlemskap i KNBF, bl.a. rabattordningar på forsikring og andre ting. Sjå heimesida deira.

Medlemskap for eit båtlag kostar kr 50 per medlem i året (dvs. om lag kr 3 500 for Kinsarvik

båtlag). Dei har også ordning med kollektivt medlemskap for medlemene, som i tilfelle kostar kr 120 per medlem. Direkte medlemskap for ein person kostar kr 350.

I vårt område er følgjande båtlag medlemmer i KNBF. Medlemstal i parentes, kronetalet er motteken mva-kompensasjon ved dei to siste tildelingane (utbetalt i 2016 for året 2015 /

2017 for året 2016):

		2015	2016
(37)	Granvin kr 0	kr 9 746	
(166)	Husnes kr 110 031	kr 110 769	
(161)	Norheimsund kr 26 638	kr 17 508	
(16)	Odda kr 0	kr 0	
(153)	Strandebarm kr 41 097	kr 37 372	
(73)	Ulvik kr 3 394	kr 4 527	
(59)	Vikøy kr 0	kr 4 072	
(121)	Øystese kr 10 688	kr 8 288	

Sak 7. VIPS

– rekneskapsfører har vore i kontakt med SPV – og oppretta konto for VIPS betaling – noko som gjer det lettare for gjester i hamna å betala for opphaldet. Kontrolltilgang Håkon og Arild konto for sjekk betaling. Laget må laga til INFO om dette i båthamna – og leggja ut kontonummer heimesidene.

Sak 8.

Godgjersla til styret mv. vert vidareført med fylgjande satsar:

Formann kr.

5000 år. Skrivar 5000 år. Rekneskapsførar 5000 år. Nettsideredaktør 1500 år.

Styremedlem kr. 250 pr. møte. Elles vert arbeid i hamna som er godkjent (vedlikehald ymse) godtgjort med kr. 150 pr. time. Revisor kr. 1000 pr. år. Vert vidareført dersom årsmøtet ikkje vedtek noko anna.

Sak 9. Bruk

av tralle – satsar for bruk er kr. 100 pr. døgn for medlemmer, og kr. 200 pr. døgn for ikkje medlemmer. Medlemmer har fortrinnsrett til leige. Det skal utformast avtale om vinterlagring med Vikane Entreprenør og vilkår knyta til dette.

Sak 10. Kostnad

rentekompensasjon for medlemmer som har vald «avbetaling» endra bryggeleige – vert sendt ut saman med faktura medlemsavgift div (rekneskapsførar lagar oversyn utrekning for den enkelte kva dette utgjør). Sjå eksempelet nedanfor:

"Styret ynskjer primært at dei som etter vedtaket av 04.12.2017 skal betala inn tilleggsinnskot, gjer dette. Men styret vil likevel, som eit alternativt tilbod for dei som måtte ønskja det og når det gjeld tidlegare endringar, tilby at dette kan ordnast med at dei i staden betalar ein årleg rentekompensasjon som tillegg til bryggjeleiga. Renta vil måtta følgja det generelle rentenivået, og årsmøtet vil fastsetja denne for kvart år som del av vedtaket om kontingentar og leigeprisar. Styret skisserte at ei slik rente etter dagens rentenivå vil bli om lag 2,5%. Dersom nokon i staden for å betala tilleggsinnskot vel dette alternativet, vil ein med dagens rente få eit årleg tillegg i bryggjeleiga på 2,5% av kr 9 784 = kr 245. Og ved ev. utmelding vil du då sjølv sagt berre få attendebetalt kr 10 048 tilsvarande det innskotet du er registrert med no."

Sak 11. Når

det nye styret har konstituert seg etter årsmøtet – bør ein sjå igjennom og retta opp/ endra tekst i høve til endringar og vedtak som er gjort i seinare tid – både vedtekter og hamnereglement.

Sak 12. Val

Valstyret

sitt framlegg – vert lagt fram for årsmøtet.

ÅRSMELDING
KINSARVIK BÅTLAG 2017

Medlemstalet

er pr. 1. mars 68 ned frå 5 frå 2016.

Styret i

laget: Bjarte Vikane (formann på val 2018)

Arild Kristiansen
(nestformann på val 2019)

Knut Bue (skrivar på
val 2018)

Johnny Mæland
(styremedlem – på val 2019)

Øyvind Solberg (vara til styret på val 2019)

Lars Vaula Ystanes
(vara til styret på val 2019)

Rekneskapsfører: Håkon Grønsdal

Heimesida KVB: Kristofer Eitrheim

Revisor: Vidar Jåstad

Aktiviteten i laget er god – med dei fleste båtplassane utleigde til medlemene eller andre inn-og utanbygds personar med båt. Også i år har me hatt ein del gjesteutleige i samband med at båthamna p Lofthus ikkje vart ferdig som planlagt.

Interessa for å kjøpa eller leiga plass i båthamna er svært god – og det er pr. dato berre 4 ledige plassar. Rekneskapsfører og laget har hatt ein gjennomgang av alle båtplassane og opplysingar for den einskilde i høve til økonomi og størrelse.

Her har det over mange år vorte gjort mindre endringar som ikkje har vorte gjort noko med, eks. medlemmer har fått større/mindre båtplass. Dette arbeidet er no ajour.

Økonomien i laget er tilfredsstillande – men ein må nok rekna med at i åra som kjem – må det setjast av midlar/bygge opp fond for å ivareta nødvendig vedlikehald og reperasjonar.

Ordinga med dugnad er avvikla – men det har likevel vorte gjort ein del vedlikehaldsarbeid av medlemmer etter gjeldande reglar. Mellom anna har dykkar sjekka festene for bryggjene.

Årsmøtet 2017 vert i år halde noko
tidlegare enn vanleg – dette har samheng med mogeleg avgjerd innkjøp av ny
brygge B – sjå eiga sak til årsmøtet.

Kinsarvik, 26. februar 2018

Bjarte Vikane

/formann

KINSARVIK
BÅTLAG
Rekneskap
Budsjett

Org.nr. 979 894 341
2015
2016
2017
2018
2017

Medlemskontingent
18 200
18 340
34 665
33 000
34 000

Bryggjeleige fast (tidl.
dugnadsgebyr)

29 900
48 800
33 625
34 000
34 000

Bryggjeleige variabel

89 172
99 492
88 960
112 000
100 000

Bryggjeleige gjester
(fakturert)

ikkje spes.
ikkje spes.
54 475
55 000
0

Bryggjeleige gjester
(kontantinnbet.)

60 652
108 519
74 786
75 000
100 000

Straum refundert

4 804
4 844
81 654
40 000
30 000

Andre inntekter

0
0
400
3 000
0

Eingongsavgift ved tildeling
av bryggje

10 080
13 060
15 400
15 000
10 000

Renter, rentekomp., purregebyr

2 359
1 205

3 635
3 000
1 500

Sum driftsinntekter

215 167
294 260
387 599
370 000
309 500

Kontorutg., administrasjon,
forsikring

48 446
31 356
40 953
40 000
35 000

Godtgjersler for
administrasjon

0
0
23 000
25 000
0

Godtgjersler for vedlikehold /
"dugnad"

0
0
14 850
15 000
0

Straum

39 554
34 126
70 775
55 000
35 000

Vedlikehold m.m.

29 800
34 094
38 670
45 000
40 000

Utstyr inkl. båt-tralle

0
0
52 861
10 000
55 000

Gjestebryggje (tidl. ny

bryggje / lokale)

50 644

0

22 500

0

0

Gebyr, avgifter

233

195

1 142

1 000

2 500

Kommunale avgifter

7 518

7 890

8 274

10 000

8 000

Tap på fordringar

0

0

1 375

0

0

Eksternt lån: Renter, gebyr

0

0

0

5 000

0

Tilbakebetalt dugnadsavgift

0

0

46 000

0

0

Sum driftsutgifter

176 195

107 661

320 400

206 000

175 500

Driftsresultat før

avskrivningar

38 972

186 600

67 200

164 000

134 000

Avskrivningar

-51 600
-51 600
-64 001
-64 000
-51 600

Driftsresultat etter
avskrivningar

-12 628
135 000
3 199
100 000
82 400

Innbetalt innskot tildeling

bryggjer
105 363
100 528
123 080

Attendebetalt innskot bryggjer

-117 273
-95 998
-53 009

SUM netto innskot bryggjer

-11 911
4 530
70 071
0
0

Investering / større
vedlikehald

35 290
0
0
550 000
400 000

Betalt mva (inngår i
driftsutg.):

ikkje berekna
33 983

Balanse per 31.12 i året

2015

2016

2017

Bankkonto 3450.10.45731

81 149

91 148

15 057

Bankkonto 3450.65.51767

167 638

348 769

557 295

Utestående krav minus

kortsiktig gjeld

0

0

4 836

Verdi anlegg

977 016

925 416

861 415

Sum aktiva

1 225 803

1 365 333

1 438 603

Innskot frå medlemene (skuld)

1 073 004
1 077 534
1 097 399

Eksternt lån

0
0
0

Eigenkapital

152 800
287 799
341 204

Sum skuld og eigenkapital

1 225 803
1 365 333
1 438 603

Referat frå årsmøtet 9.3.2018 &ndash; Hardangertun Kinsarvik

Medlemene vart ynskt velkomne (14 stk) av formannen, og innkalling, årsmelding og rekneskap 2017 og budsjett 2018 vart godkjent. Årsmøtet ynskjer at laget opprettar «mailgruppe», og at innkalling til årsmøte med sakspapir vert sendt elektronisk til medlemene.

Sak. 1 – ny brygge. Johnny Mæland orienterte om prosessen, og val av leverandør (Jamax, Os i Hordaland). Årsmøtet vedtok styret sitt forslag samrøystes, dvs. det vert inngått kontrakt med Jamax levering vår 2018, finansiering av laget sine egne bankinnskot. Johnny Mæland er prosjektleiar/tilretteleggjar av praktisk arbeid mv.

Sak 2 – straum i hamna. Styret sitt forslag forkasta med 5 for/9 mot. Forslag frå Arild Kristiansen/Terje Kvalvik om berre adm. påslag kr. 150/år vart vedteke. Straumpris vert gjeldande pris straum til brukarane + adm. påslag kr. 150/år.

Sak 3 – leigeprisar gjestehamn. Styret sitt framlegg (sjå sakspapir) vedteke med tillegg – båtar over 40 fot, kr. 250,- døgn. Ordninga med reduksjon (rabatt) fleire døgn fell vekk.

Sak 4 – auka bryggjepris/leige. Styret sitt framlegg vedteke mot 1 stemme. Dvs. bryggjeleiga aukar med kr. 100 kr/m brygge pr. år.

Sak 5 – tryggleik i hamna. Styret skal fylgja opp vedtektene/hamnereglementet i høve stell og vedlikehald båtane i hamna. Eks. festing i brygge jfr. reglement, og båtar skal opp kvart 2. år for reingjering groe, sjekk av anodar osv.

Sak. 6 – MVA- registrering og innmelding KNBF (Kongeleg Norsk Båtforening) – innmelding i registeret for mva – refusjon og KNBF vedteke samrøystes.

Sak 7 - VIPS – det er no mogeleg å betala for seg med nemnde ordning – gjestehamn og faktura til båtlaget.

Sak 8 - godgjersla til styret – vart vedteke vidareført jfr. saksdokumenta til årsmøtet.

Sak 9 - bruk av tralle – årsmøtet vedtok vidareføring av dagens ordning mot 1 stemme.

Sak 10 – rentekompensasjon for medlemmer som har vald «avbetaling» endra bryggjeleige – orienteringssak til årsmøtet.

Sak 11 – Gjennomgang av vedtekter/hamnereglement. Nytt styre skal gå igjennom nemnde dokument, og vurderer ekstraordinært årsmøte – dersom endringar krev dette.

Sak 12 – val. Bjarte Vikane (attvald som formann)

Terje Rognsvåg - ny skrivar (Knut Bue ynskje ikkje attval)

Terje Kvalvik - nytt styremedlem

Valkomite: Reidar Steingildra – nytt medlem

NYTT FRÅ STYRET 2018-2019.

STYREMØTET TYSDAG 10. APRIL 2018 KL 1700

Til stades:

Bjarte Vikane, Arild Kristiansen, , Øyvind Solberg, Terje Kvalvik og rekneskapsfører Håkon Grønsdal

Johnny Mæland og Terje Rognsvåg hadde varsla forfall.

1. Referat etter styremøte 26.2.18.

Gjennomgang av referatet i regi av nestformann Arild, sak 1- 11. Kommentar i høve bryggjeleige/ kostnad på etterregulert breidde, omgrepet som skal nyttast er rentekompensasjon, - ikkje avdrag.

Hamnereglementet,- pr. no er det ikkje aktuelt med endringar.

2. Kven gjer kva i styret, - organisering av arbeidet, - vedtekter m.m

Inn- og utmelding av laget må skje skriftleg på epost eller ved brev til laget. Forslag om å lage ein rutine på heimesida for innmelding, der ein spør etter namn, adresse, telefonnummer, båttype, størrelse og yngst storleik på båtplass.

Vedtekter, - det trengs ein gjennomgang av vedtektene i laget. Arbeidet kan slik ein vurderer det venta, ein må sjå det opp mot mellom anna forslaget om endring i forskift om MVA- kompensasjon. Skrivar må involverast i dette arbeidet.

Plassering av medlemspermar m.m. , 1 hjå rekneskapsfører, den andre i låst skap i klubbhus. Båtlaget har eigen pc, etterlyser denne hjå avgått skrivar.

Rekneskapsfører la fram notat om sine oppgåver for Båtlaget. Styret tok notatet til orientering, - ikkje merknad til dette.

3. Avtale med Ullensvang herad om klubbhuset.

Rekneskapsfører har teke kontakt med heradet om avtalen med tanke på avklaringar rundt innhaldet i den. Styret må haldast informert om dette arbeidet, formann må involverast om det kjem til drøfting/ forhandlingar.

4. Kompensasjon for MVA – innmelding i KNBF

Innmelding i KNBF skjer i tråd med vedtak på årsmøtet, rekneskapsfører har starta prosessen. Det er på sentralt hald fremja forslag om endringar i forskrift om momskompensasjon for lag og foreiningar. Sjå eige notat frå kasserar om saka, - som føreslår at ein utset handsaming til ei eventuell forskriftsendring er avklara. Styret er samde om å utsetje saka om MVA-kompensasjon.

5. Eventuelt

Kva skal ein gjera med den gamle tralla? Bjarte set fram forslag om at han kan frakte den til gjenvinningsstasjonen i Husemoen for kr.1000,- Ingen andre forslag – vedteke.

Den nye tralla må ferdigstillast. Det trengs eit eller anna oppå ståldragaren der kjølen skal stå nedpå. Arild tek ansvar for denne jobben.

Hammesjefen, - Andreas, ynskjer oppslag på kvar bryggje med namn, tlfnr. og breidde på båtplass . Dette for å lette arbeidet som gjestehamn. Rekneskapsfører har utkast til løysing, og ser på dette.

Terje Kvalvik

Fungerande skrivar

STYREMØTET MÅNDAG 4. JUNI 2018 KL. 18.

Til stades: Bjarte Vikane, Arild Kristiansen, Øyvind Solberg, Terje Kvalvik, Johnny Mæland, Terje Rognsvåg og rekneskapsfører Håkon Grønsdal

1. Referat etter styremøte 10.04.18. Referat godkjent uten merknader.

2. Status/Orientering økonomi. Rekneskapsfører Håkon Grønsdal gjekk gjennom førebels rekneskapstal. Likviditeten er god. Johnny Mæland forklarte at det var tinga reservedelar til bryggjevedlikehald for ca Nok 10.000. Dugnadspengar som skal verta betalte etter arbeid med ny bryggje, kjem på ca Nok 20.000,- og nye straumsøyler reknar ein med vil kosta om lag Nok 20.000. Totalt om lag Nok 50.000. Vi vil då framleis ha nærare Nok 300.000,- på konto.

Det var semje om at vi burde byrja arbeida med eit langtidsbudsjett for å visa kva prosjekt/vedlikehald som må takast på sikt. Dette langtidsbudsjettet bør verta vedteke saman med ordinært budsjett på årsmøtet.

Terje Rognsvåg tek seg av registrering i Brønnøysund av nytt styre. Referata frå årsmøta bør verta underskrivne av fleire personar som er til stades på årsmøta. Dette bør vi ha innarbeidd i rutine/vedtektene våre.

3. Status/Orientering drift. Håkon Grønsdal hadde laga til eit fint oversyn over alle bryggene. Håkon bad styret kontrollera at dette stemte. Vidare diskuterte styret:

Bruk av tralle vart handsama som sak 9 på årsmøtet; satsar for bruk er kr. 100 pr. døgn for medlemmer, og kr. 200 pr. døgn for ikkje-medlemmer. Styret meiner at summen er så låg at med døgn i denne samanheng så er det pr. dag/dato. Medlemmer som bruker tralla kan sjølv notera datoar og vipsa leiga for tralle til båtlaget.

Arild Kristiansen er kontaktperson i båtlaget. Arild, i samråd med leiar Bjarte Vikane, avgjer bryggetildeling og andre ting som må/kan verta vedteke mellom styremøta. Større saker vert handsama i styret.

Terje R sender e-post til medlemmer om at festing av båtar skal vera utført slik hamnereglementet lyder før 1.oktober. Dersom dette ikkje er gjort, vil styret organisera arbeidet gjort til kostnad for eigar. I e-posten skal vi også minna medlemmer om regelen som vart vedteken på årsmøtet sak 5: Båtar skal opp kvart 2. år for reingjering av groe, sjekk av anodar osv.

Arild ryddar bort skrot innanfor porten på C-bryggja.

04.06.2018

Kinsarvik

Terje Rognsvåg

Sekretær

STYREMØTET MÅNDAG 24.09. 2018.

Til stades: Bjarte Vikane, Arild Kristiansen, Terje Kvalvik, Terje Rognsvåg og regnskapsfører Håkon Grønsdal.

Johnny Mæland og Øyvind Solberg var ikkje til stades

1. Referat etter styremøtet 04.06.18. Referat godkjent utan merknader.

2. Status/Orientering økonomi.

Regnskapsfører Håkon Grønsdal gjekk gjennom førebels rekneskapstal. Økonomien er tilfredsstillande. Både inntekter og utgifter ca Nok 20.000,- under budsjett.

Styret gjorde vedtak om at ein burde ta kontakt med kommunen for å prøva få til ny avtale for både hamna og klubbhuset. Bjarte kontaktar Ullensvang Herad og luftar at vi ynskjer diskutera avtalane vi har. Bjarte, Arild og Terje be om møte med Ullensvang Herad ved Magne Eivind Moe.

Viktig at vi arbeider med å få oppdatert vedtekter og hamnereglement fram mot årsmøtet. Håkon har laga nokre forslag som han sender til styremedlemene slik at vi kan bruka dette som utgangspunkt saman med eksisterande vedtekter.

Arild undersøker pris og vilkår på forsikringane våre.

Av dei som har leigd plass i sumar, har 86% betalt med Vips. Av totalt 100 stk. har 3 stk. ikkje betalt.

3. Status/Orientering drift.

Båtlaget har fått søknad frå ein som ynskte verta medlem om få plass til båt på 30' + . Terje R sa at han hadde bede om å flytta til bryggje A med lang utliggjar, og det var semje om at medlemar skal verta prioriterte.

Arild sender e-post til søkjar om at det er plass til 26'.

Det var semje i styret at når vi leverer ut lyklar til gjester med vinterleige, må dei betala Nok 500,- i depositum.

Bjarte og Arild undersøker om det er medlemar eller andre som har lyklar dei ikkje har trong for.

Johnny hadde i framkant av styremøtet sendt e-post der han nemner at han ynskjer få utbetra flyteelement på bryggje C og få laga til greasniplar på ny tralle. Styret ynskter at Johnny tok ansvar for dette og kalla inn turvande medlemmar til dugnad. Johnny vurderer også om defekt flyteelement kan verta utbetra.

Arild kontaktar Hernes frå Hardangerdykk for inspeksjon av feste og hjelp til å festa wire på lodd mellom B og C som Bjarte skal flytta med hjulmaskin.

Styret ynskter at Johnny henta inn prisar på ulike lengder utliggjarar. Styret treng dette for å kunna planleggja utskifting av øydelagde utliggjarar, men òg for å kunna vurdere kostnad med å gå opp til 10m for dei største båtane. Pris på 10, 8,7 og 6m.

Kjettingfesta til land på A. og B-bryggja er delvis nedgravne og desse bør verta kontrollerte. Eventuelt bør ein vurdere om ein kan setja nedi pålar som ein kan festa kjetting i.

Nyaste gjestebryggje er delvis gliden ut. Bjarte gjer framlegg om at vi kan slå nedi pelar på innsida. Dette må verta gjort til våren

4. Eventuelt

Styret tykkjer det hadde vore fornuftig innføra meterpris for gjester som ynskjer vinterleige.

24.09.2018

Kinsarvik

Terje Rognsvåg

Sekretær

Styremøtet 13.11.18

Sak: Leigekontrakten vår i båthamna og eit "laust" tilbod frå heradet om det er interesse for å kjøpa klubbhuset, -Jfr. epost.

Følgjande møtte:

Bjarte Vikane, Arild Kristiansen, Johnny Meland, Håkon Grønsdal og Terje Kvalvik

Skrivar Terje Rognsvåg - hadde ikkje høve til å møta.

Saker som vart omhandla:

1. Leigekontraktar med Ullensvang herad.

Leiar orienterte etter samtale med heradet v/Magne Eivind Moe. Båtlaget vart i møtet oppfordra til å skrive ein søknad / brev om overtaking av bygget.

Vedtak: Det vert skrive brev til Ullensvang herad der ein be om møte i høve leigekontrakt på klubbhus og hamn. Håkon utformar utkast til brev. Leiar signerer brevet, - og stiller i møte med heradet. Nestleiar / sekretær deltek, - evt. Håkon.

2. Budsjett

Rekneskapsførar gav oppdatering på budsjett/ førebels årsresultat.

3. Eventuelt

Tidlegare vedtak i høve revidering av vedtektene til laget vart sett på vent. Det synest ikkje vera dei store summene å henta på refundert moms på drift.

Terje Kvalvik

referent

